

نسخه سی ۱۰ غروشدور

صاحبی، مدیری، محرری:



اسلامك نفعنه خادم مقالات
مع الت شكر قبول ونشر اولونور
يازانك شخصيتي دكل، يازينك اهميتي
نظردقته آلتير .
كلن يازيلردن شايان قبول كوروللر
تاريخ سيرايله درج ايديلير .

محفصل

۱۳۳۸

علمی، ادبی، اجتماعی و شمیم بلك

شهری مجموعه در

۱۳۴۰ جمادی الآخره سنه مخصوص نسخه

عدد: ۲۰

اداره خانه سی: آقسرائیده
ملا کورانی محله سنده مهتر
سوقاغنده ۳ نومرولوخانه

مراکز توزیعی:
باب عالی جاده سنده (اتحاد
تجارت) کتبخانه سی

آبونه بدلی:
سنه لکی ۱۲۰ غروش
آلتی آلتی ۶۰
اوج آلتی ۳۰

جلد: ۲

مبصرهات:

محفصل علمی و تصوفی: توکل و سبی - طاهر المولوی . طبقات مجتهدین اسکاییلی عاظم . ییلدیزلردن احکام
جیقارمق - شرف الدین .
محفصل اجتماعی و تاریخی: تزکیه نفس - حسین شمی . هیئت ارشادیه - نیازی . قادینک و طیفه سی و موقی - س .
سلیمانیه جامی - محمد عزت . عبادت جاهلیه - طاهر المولوی . شمس لدین افندی نك ارتحالی .
محفصل ادبی: تهلل - سعود المولوی . غزل - عبدالعزیز مجدی . غزل - محی الدین رائف . مناره لره قارش -
عبدالباقی عزیز . بوستان سعدیدن ترجمه - ل . ص . ادبیات و بز - احمد جدی . تله ماق ترجمه سی

عصر سعادتده مسلمانلغك مدينه خدمتلىرى

عبادت جاهليه :

مشرکين عربك عقیده سی شرک اولدینی کبی عبادتی ده شرک آمیز ایدی . مثلاً : چوغنك اوندە بر پوت بولونور و کوروب چیقانلر طرفدن تعظیماً مسح اولونوردی . حرم شریفه کیرنلرده بیت مکرمی طواف ایله دکدن صوکر ا پوتلره مسح ایدرلردی . سورة انفالده کی (. . الا مکاء و تصدیه . .) یعنی «مشرک لربیت الله یاننده کی عبادتلىرى ؛ ایصلیق چالمق و آل چیریمقدن باشقه برشی دکلدی . آیت کریمه سنده بیان بویورولدینی اوزره کعبه معظمه نلک اطرافنی ایصلیق چالارق و آل چیربارق دونوب دولاشیرلردی .

حیوانلرینک ایلك دوغان یاورولرینی پوتلری نامنه قربان ایدرلر و رجب آیلرینک عشر اولی ایچنده بویوک پوتلرک معبدلرینی زیارت و طواف ایله اونلره قurb ایچین آریجه قربان کسرلردی . بویوله کسین قربانلردن برنجی به (قَرَع) ایکنجی به (عَتیره) تعبیر ایدرلردی که بخاری شریفک جزء خامسندە ابوهریره دن مروی اولان (لافرع ولا عتیره) حدیثله بوعادت لغو اولوندی .

(مُزَنَیْنَه) قبیله سنک پرستیده سی اولان (نهم) اسمنده کی پوتک (سادن) ی ، یعنی قیمی و خادمی بولونان (عبدالله بن مغفل) حضرتلری ده عتیره اولمق اوزره پوته قربان کسه جکی صیراده عقلی باشنه کلوب پوتی قیرمش و حضور پیغمبری به کلوب مسلمان اولارق شو بیتلری سویله مشدی :

ذهبت الى نهم لاذج عنده عتيرة نسك كالدي كنت افعل فقلت انفسی حين راجعت حزمها هذا آله ابکم لیس یعقل آیت فدیني اليوم دین محمد اله السماء الماجد المتفضل مالی : نهمك یانه کیتدم . هر وقت یاپدیغم کبی

اوکا قربان کسه جکدم . فقط عقام باشمه کلدی . کندی کندیمه « بویله دیلسز و عقلسز معبودمی اولور ؟ » دیدم . صوکر ا قالقوب حضور نبوی به کلدیم . آرتیق بوکون دینم ؛ دین محمدیدر ، خالق السماء و ماجد ذوالعطا اولان ذات اجل و اعلا ده معبودمدر .

خلاصه : عبادت جاهلیه ؛ پوتلرک اطرافنده دونمک و اونلره مسح ایله ناملرینه قربان کسمکدن عبارت ایدی .

اصحاب کرامدن (ابورجاء العطاردی) نک - هم بو طواف عبادتی ، هم ده حجر پرستک عادتنی حاکی اولمق اوزره - « بز ؛ طاشلره طابینردق . کوزه لجه بر طاش بولونجده اولکینی آتار ، صوکر ا کینی آلیردق . شاید طاش بولا مازسه ق طوپراقدن کوچوک بر بیغین یاپار ، بر دیشی قویون کیتروب سوتنی بو بیغینک اوستته صاغار ، صوکر اده اوتیه جکک اطرافنده دوزر ، دولاشیردق » دیدیکی ینه بخاری شریفک بشنجی جزئنده مذکوردر .


شریعت مطهره ؛ بوصاچا حرکتلرک یرینه (اقموا . .) امریله اولایکی ، مؤخرأ بش وقت اولمق اوزره . ادای صلاتنی اقامه ایله دی و تقرب الهینک اطراف اصنامی دورایتمکله دکل ، بعد الطهاره (۱) خالصاً لوجه الله سجده عبودیته قایمقله حصوله کله جکنی بیلدیردی .

پوتلره قربان کسمک سویله طورسون ، اونلر ایچین کسيلمش حیوانانک به نیلمه سنی بیله سورة مائده ده « ای مسلمانلر ! اولمش حیوان آنی ،

[۱] واقعا مشرک لردن بعضلری اغتسال ایدرلردی . فقط بر مؤمن مصلی ایچین لازم کلن طهارتی خاتر دکل ایدیلر .

قان (۲) دوموز آتی، کسلیپرکن بوتلرک نامی ذکر
ایدیلن حیوانات، بوغولش، صوبا ایله اورولوب
اولدورولش، بریردن دوشوب اولمش، باشقه
بر حیوانک بوینوزیله اورمانسندن مرد اولمش،
یهیتیشوب کسدکلریکنز مستقی اولق اوزره
جاناوارلر طرفندن پارچه لامش و بوتلر نامنه ذبح
ایدیلش اولان حیوانلر؛ سزه حرام قیلندی «
مألنده کی آیت کریمه ایله تحریم اولوندی .

طاهر المولوی



شمس الدین افندیکن تاریخ ارتحالی

کچن نسخه دن مابعد :

الله ایده بیلدیکم ترجمه حاللری بوجه آتیدر:
مرحوم محمد شمس الدین المولوی افندی؛ محمد
سعید همد چلبی حضرت تلرینک مرشد عالی تباری
شیخ سید سلیمان ترابی حضرت تلرینک حفیدی،
قیصری مولوی شیخی سلیمان عطاالله دده افندی
مرحومک مخدومی والیوم اسکدار مولویخانه عرفان
لانه سی پوست نشینی سالف العرض احمد رمزی
دده افندی حضرت تلرینک برادریدر . (۱۲۹۵)
تاریخ هجریسندده قیصری مولویخانه سندده تنوره
پوش وجود و داخل سماءخانه شهود اوله ورق پدرلری
مرحومک زیر تربیه و حمایه سندده انشته لری علمای
بنامدن کونجی زاده نوح نجابی افندی مرحومدن
وبالاخره مرید زاده خواجه علی افندی
برادرلریله اخذ اجازت واستانبوله کلوب برمدت
یکی قبو مولویخانه سندده استفاضه ایتدکن صکره
قیصریلی همدی افندی مرحومک درسنه علی الترتیب

(۲) مشرکله؛ قانی باغیر صافه طولدوروب پیشر برلر
وبرلردی . هاله (علوز) دیدکلری بر یک ! واردی که
دده توبی ایله قانندن عبارت ایدی .

مواظبت و بو اشناده دارالمعلمینه ده مداومت ایدرک
هرایکی مکسب عرفانندن علی الاعلی درجه ده اکتساب
اجازت ایتمشدر . الله اولان آثار شعریه سی اون
بش یکریمی پارچه دن عبارت ایتسه ده هر بریسی بر
دیوان دکن نمونه بلاغتنددر . استاد مکرم علی امیری
افندی حضرت تلرینک مقدمانشرایتمش اولدینی تاریخ
وادبیات مجموعه سندده انتشار ایتمش اولان (تشریح
احوال) عنوانلی و :

هلاک رنکی صولش خسته هجرانه دونمشدر

تورم ایلش بر نازنین جانانه دونمشدر .

مطالعی منظومه سی سلاست و خربت طبعنه دلالت
ایدن آثار برکزیده سندندر .

ملکی و عسکری مکاتب رسمیه ده عربی، فارسی و
ترکی وادبیات عثمانیه معلمکلرنده اون بش سته یی
متجاوز بر زمان ایفای حسن خدمت ایتمش
و برخی طلبه ییتشدرمش و قدرت رفیع علمیی
بین الاقراکنندیسنی [خواجه] نامیه یاد ایتدیرمشدر .
یوقاریده عرض ایتمش اولدیغ وجهله مبتلی اولدینی
درد دوا ناپذیر ایکی سته دن بری صوک وظیفه سی
اولان نشان طاشی سلطان یسی عربی معلمکنه دوامه
مساعده ایتهمش ونهایت کچن ربیع الاولک یدنجی
صالی کونی عازم سماءخانه لقا واسکدار مولویخانه سی
تربه شریفه سندده انزوا کزین بقا اولمشدر .

حسن خاتمه یه مظهریتلرینه دلالت ایده جک
تجلیات قدسیه دندرکه کندیلری حالت نزعده ایکن
برادر اکبر واکرملرینه [خاطر مه] «آداب ایله کل
حضور حق» سوزندن باشقه برشی کلیمور . . .
دیمشله و حضرت شمسک :

آدم از عالم علویست نه سفلی دو یاب

جنبش و گردش این کسب دوران ادبست

بیت معلاسنی حرزبال و میزان افعال اتخاذ ایتدکلرنی
یوم وصاللرنده ده بالفعل اثبات بیورمشلردر .